

Mid-Day Dogri News Bulletin, 29th April 2024

समे – 12:25

<><><><><><>

Search Udhampur

विलेज डिफेंस गार्ड दा मिंबर कल उधमपुर जिले दे दूर दरेड़े ग्रां च आतंकवादिएं कन्नै होए दे टाकरे च शहीद होईं गेआ। जम्मू जोन दे एडीजीपी आंनद जैन होर उत्थें तुरत उत्थें पुज्जे तां जे चलाए जा'रदे आतंकवादी रोधी अभियान दी निगरानी करी सकन। आतंकवादिएं दी धर-फगड़ लेईं व्यापक पैमाने पर तपाशी अभियान चलाया गेआ ऐ। जानकारी मूजब इनें आतंकवादिएं पाकिस्तानी आली भेठा दा घुसपैठ कीती ही। एडीजीपी होरें आक्खेआ जे इलाके च आतंकवादिएं दे 2 गुट मजूद न। तोआई बसंतगढ़ पुलस थाने च शहीद वीडीजी मिंबर मोहम्मद शरीफ होरें गी श्रद्धांजलि दित्ती गोईं जिस मौके एडीजीपी होरें राष्ट्र दी सेवा लेईं दित्ते गोदे मोहम्मद शरफ हुंदे सर्वोच्च बलिदान गी नमन कीता।

<><><><><><>

Kashmir Accident

कश्मीर घाटी च कल संजा श्रीनगर लेह जरनैली शिड़कै पर सैलानिएं गी लेइयै जा'रदी इक गड्डी दे गगनगीर सोनामर्ग इलाके च शिड़कै पर रूलकियै सिंध नाले च जाईं पौने दे बाद चलाए गोदे तुपाईं ते बचाह अभियान दरान चरुं जनें दियां लोथां बरामद करी लैतियां गेदियां न। अधिकारिएं मूजब हादसे बारे जानकारी थ्होंदे गै पुलस, फौज ते फौजी दी 34 असम राईफल्स, ट्रैफिक पुलस ग्रामीण, सिविल प्रशासन, मकामी लोकें, एसडीआरएफ ते एनडीआरएफ नै रलियै बचाह अभियान चलाया। मगरा तेज बरखा ते मौसम बड़ा मता खराब होने दे बाद अभियान रोकने तगर 4 लोथां बरामद करी लैतियां गेदियां न। अजें कि दरुं जनें अजें बी लापता न। अधिकारिएं मूजब हादसे दे बारे च जानकारी थ्होंदे गै पुलस, फौज दी 34 असम राइफल्स, ट्रैफिक पुलस ग्रामीण, सिविल प्रशासन, मकामी लोकें, एसडीआरएफ ते एनडीआरएफ नै रलियै बचाह अभियान चलाया।

मगरा तेज बरखा ते मौसम बड़ा मता खराब होने दे बाद अभियान रोकनी पेई गेआ। उपराज्यपाल मनोज सिन्हा होरें सोनामर्ग हादसे च होए दे जानी नुक्सान पर दुख प्रगट करदे होई प्रभावतें गी नियमें मूजब हर मुमकिन सहायता मदाद देने दा निर्देश जारी कीते न।

<><><><><><>

Campaign 3rd Phase

जम्मू कश्मीर च लोकसभा चुनां दे अगले गेड़ लेई चुनां प्रचार जोरें-शोरें जारी ऐ। सियासी पार्टिएं दे बड़डे-बड़डे लीडर अनंतनाग-राजौरी सीट लेई मते शा मते मतदाताएं गी अपने पक्खै च करने लेई पूरी टिल्ल ला करदे न। मुख् मकाबला पीडीपी अध्यक्ष महबूबा मुफ्ती ते नैशनल कांफ्रेंस दे मियां अल्ताफ अहमद लारवी हुंदे बश्कार ऐ। मियां अल्ताफ कांग्रेस दी अगुवाई आले I.N.D.I गठबंधन दे सांझे मेदवार न। एह्दे शा पैहले बीजेपी, अपनी पार्टी ते किश होर दलें इस चुनां लेई नमें सिरेया तरीक तैह करने लेई निर्वाचन आयोग गी अपील कीती ही। मुख् सचिव अटल डुल्लू ते जम्मू कश्मीर दे मुख् चुनां अधिकारी पी.के.पोले होरें उंदी इस गुजारश पर बचार करने लेई भारत निर्वाचन आयोग गी भेजी दित्ते दा ऐ। मेद कीती जा'रदी ऐ जे एह्दे पर निर्वाचन आयोग दा परता औंदे इक दऊं दिनें च आई जाग। उआं फिलहाल इस सीट पर 7 मई गी वोट पाए जाने दा कार्यक्रम ऐ।

<><><><><><>

BJP Like Minded

भारतीय जनता पार्टी दे प्रदेश प्रधान रविन्द्र रैणा होरें आक्खेआ ऐ जे उंदी पार्टी कश्मीर च इक्कै जनेई बचारधारा आली पार्टिएं गी समर्थन देग। उआं उनें लोकें गी कांग्रेस थमां दूर रौहने लेई बी गलाया। रैणा होरें दावा कीता जे बीजेपी जम्मू ते उधमपुर लोकसभा सीट पर जित्त हासल करोगं अनंतनाग-राजौरी सीट पर चुनां अगड़ा पाए जाने दी मंग बारे पुच्छे जाने पर उनें आक्खेआ जे इस ब'रे फैसला चुनां आयोग आस्सेआ कीता जाना ऐ।

<><><><><><>

Expenditure Baramulla

बारामुला पार्लिमानी हल्के च चुनाएं दरान खर्च पर तक्क रखने सरबंधी निगरान सीता राम मीणा होरें बड़गाम च लोकसभा चुनां दी तैआरिएं दा जायजा लैता।

उनें सारे खाते दी सख्ती नै जांच करने लेई गलाया। उनें आक्खेआ जे मुनासब ते जायज खर्च गै कीता जा, गैर कनूनी तरीके कन्नै जां फही होर दुए सरबंधी हीले राएं मतदाताएं गी अपनी भेठा करने लेई ते उनेंगी परचाने आस्तै कीती जाने आली कारवाई पर तक्क रक्खी जानी लोड़चदी। बैंक आलें गी आक्खेआ गेआ ऐ जे ओह चुनां आयोग आस्सेआ जारी दिशा निर्देश दी पूरी चाल्ली पालमा जकीनी बनान ते कुसै बी शक्क शूबे आले लैन—देन पर पूरी तक्क रखन। खर्चे पर तक्क रखने सरबंधी निगरान होरें खर्चे सरबंधी रिकार्ड बनाई रक्खन ते इस भेठा जारी दिशा—निर्देश दी पूरी चाल्ली पालमा जकीनी बनान।

<><><><><><>

Highway

जम्मू श्रीनगर राष्ट्रीय जरनैली शिड़कै पर केई थाहरें पस्सियां ते पहाड़ें परा कुप्पड़ पौने कारण गड्डिडएं दी आओजाई बंद रखेआ गेदा ऐ। जानकारी मूजब रामबन जिले दे मेहड़, गांगरू ते किशतवाड़ी पत्थर इलाकें च पहाड़ें पर कुप्पड़ ते ल्हास पस्सियां पौने कारण राष्ट्रीय जरनैली शिड़कै गी गड्डिडएं दी आओजाई लेई बंद रखेआ गेदा ऐ। लोकें गी सलाह दित्ती गई ऐ जे ओ मौसम साफ ते शिड़कै दे खोली दित्ते जने पर गै इस रस्ते पर यात्रा दी तैआरी करन।

<><><><><><>

H&UDD Training

घरें, मकानें ते शैहरी विकास सरबंधी मैहकमे दिएं सचिव मनदीप कौर हुंदी सरपरस्ती च कल इक रोजा सिखलाई ते गल्लबात आले सत्र दा सरिस्ता कीता गेआ। सत्र च भारत सरकार दे “भवन ते शैहरी विकास” मंत्रालय थमां पानी दे स्रोतें दे संरक्षण सरबंधी माहिर “आनंद मल्लीगवाड़” होरें अमरूत स्कीम दे दुए गेड़ तैहत तलाएं सरे ते होर जल स्रोतें दे संरक्षण ते उंदे च नमें सिरैया जान भरने बारे जानकारी दित्ती गई। इस सिखलाई कार्यक्रम च जम्मू नगर निगम ते कठुआ, राजौरी, सांबा ते उधमपुर जिले थमां होरने मकामी निकाए दा इंजीनियरिंग अमला इस बैठका च शामिल होआ, जिनेंगी अपने अपने इलाके च मजूद पानी दे स्रोतें दे बचाव संरक्षण ते उंदे च नमें सिरैया जान भरने दे बारे च सिखलाई दित्ती गई।

<><><><><><>

Olympic Quota

महिलाएं दी स्टीक च माहेश्वरी चौहान नै कतर दे दोहा च शॉटगन ओलंपिक क्वालीफिकेशन प्रतियोगिता च चांदी दा तगमा जित्तिथै भारत दी तरफा पैरिस ओलंपिक 2024 दा कोटा सुरक्षत करी लैता ऐ। फाइनल च कल 6 नशानेबाजें चा शड़े 4 नशानेबाज गै कोटा हासल करने दी रींगे च हे। इक बारी जिसलै कजाकिस्तान दे असेम ओरिनबे 5मीं थाहरै पर हारी गे ते अजरबैजान दी रिगिना मेफता खेत दीनोवा 6मीं थाहरै पर रेइयां, फही माहेश्वरी ते स्वीडन दी क्वालीफिकेशन लीडर विक्टोरिया लार्सन लेई दऊं ओलंपिक कोटें दी तसदीक होई गई। नशानेबाजी च एह भारत आस्तै 21मां ओलंपिक कोटा ते शॉटगन च 5मां कोटा ऐ।

